

續修四庫全書



《續修四庫全書》編纂委員會編

續修四庫全書

上海古籍出版社

一五二一・集部・別集類

花宜館詩鈔十六卷續存一卷	無腔村笛二卷	〔清〕吳振棫撰	一
仙屏書屋初集十八卷	〔清〕黃爵滋撰		一八三
薜篲吟館鈔存八卷賦二卷	〔清〕柏 葆撰		三一五
面城樓集鈔四卷	〔清〕曾 釗撰		四九五
繖飢亭集三十二卷	繖飢亭後集十二卷	〔清〕祁寯藻撰	五六九
	（繖飢亭集卷一至卷二十）		

少年之詩淺中年之詩雜晚年之詩率吾病吾知之不

能詳也已涉衰暮豈復有進境退閒無事取舊作汰其

乎都為十六卷附詞二卷生平蹤跡略可省記而已憶

道光初松江姚君椿嘗序吾蒼雪集文刊晚學齋文錄

後在山左掖縣李君同為序一篇在黔善化前輩賀公

長齡復為序之南北奔走藁本皆佚甚負故人殷勤獎

勵之意又同年祁春浦相國嘗有論余詩九條書作長

卷見寄意主推重弗克當也竊念人生世閒擔荷甚重

詩即工何裨於世矧未易言工也可愧哉可愧哉咸豐

辛酉三月振械自識於長安客舍時年七十

花宜館詩鈔序

咸豐辛酉養病長安刊此十六卷甫刊畢而回逆焚

掠之事起板遂燬今大孫文塢為重刊於京師則同

治四年乙丑也再翁又識

花宜館詩鈔卷之一

錢塘吳振械宜甫

古今體詩一百七首

起嘉慶庚午至戊寅

羅將軍燒賊歌

有引

羅名思舉蜀人少無賴年十三已能掠人於道

嘉慶初川陝不靖賊據山險為營屢攻不克軍

中募健兒能破賊者羅應募乘夜獨往燒其營

寨賊大驚潰後屢立戰功累官至提督

蠻雲蝕月萬帳黑將軍大醉夜燒賊火勢逐風風怒號

電旗葉開光更高摧拉枯朽頃刻耳草閒狐兔安能逃

花宜館詩鈔卷一

將軍大笑萬骨仆單騎歸營刀不污噫吁嚱以膽狎賊

賊膽驚將軍不死賊不生後來威名到草木小兒夜怖

無啼聲十年罷戰收干櫓蛇虎繁霜無疾苦雕青惡少

賣刀來山上新禽舊焦土

此詩作於嘉慶庚午逮道光癸未余守大理羅公方為雲南提督亦駐大理每談及少時為劇賊事略不諱匪真偉人也

蠻山高

蠻山高猩猩奔突豺豹咆蠻溪深墮鳶跼跼霧雨淫城

中夜半哭聲起壯士征蠻別鄉里銜鬚畢命會有時裂

眚歌呼悲未已甲光金鱗陣雲紫將軍得功士得死功

成士死史無名分得餘糧活妻子

營中謂之寡婦糧

花宜館詩鈔
無腔村笛

〔清〕

吳振棫 撰

據華東師範大學圖書館藏清同
治四年刻本影印原書版框
高一八四毫米寬二七六毫米

太守怒有引

曩大學士公福康安督蜀勢張甚鈴下廝養憑
藉搏噬莫撓其鋒一日輿夫入人家攫釵珥都
司徐斐見而訶之其黨伍摔徐撻辱冠服皆毀
姚公令儀方爲成都太守捕治之斃其魁大學
士怒曰守敢爾詰其事則抗辭以對時已奏擢
川東道乃遣騎追前疏還然公直聲震蜀中矣
公婁縣人以乾隆丁酉拔貢起家崎嶇戎馬間
累官至四川布政使蜀人習聞其事因作太守
怒一篇

花宜館詩鈔 卷一

都司訶輿夫怒老拳摔胡苦枝梧輿夫譁太守怒赤棒
聲中一城怖太守謁相公怒守不遷官守自誤吁嗟乎
輿夫之怒速其死相公之怒庸才耳太守之怒強項矣
往事

恩深翻惜死福大不論才龍虎邊庭節笙歌幕府杯重
權諸將伏殺運十年開往事沙沈戟斜陽雀鳥哀

張啟 柳陰牧牛圖

曲波如環漱石齒禿柳枕江臥不起一鞭叱叱驅歸牛
羣鴉驚飛拍江水牛乎牛乎何夷猶一生不受金絡頭
老翁偃僂與牛語柳陰團團且休汝

書姚大春木椿詩集後卽送還江南

長安多朱門青青滿簪紱卻曲傷吾心迷陽傷吾足可
憐驚眼貫不受金錯刀庸夫笑鷄雀蹤跡埋蓬蒿才人
萬古淚同下灑作苦雨隨江濤江濤出峽東入楚夜把
長劍獨遠舞華陰有土誰拂拭虎氣飛鳴入毫楮鸞身
飄飄玉衣舉碧宮夜寒踏雲語青霞碎翦擲千縷仙機
無聲織星渚鶴翩飛兮返故岑山重水遠雲陰陰相思
一夜江南夢春雨五茸芳草深

外舅姚一如方伯輓詩

卅載馳驅齒髮殘真從王室奉心肝如何海內銷金甲

花宜館詩鈔 卷一

已見雲中下玉棺恩怨白頭誰論定功名青史歎才難
當時揖客將軍重露布催成萬帳看臺灣鄭爾喀西藏
川楚教匪諸役公

皆在 軍中 一代香光筆法工莫教餘技掩奇功歸耕天靳餘年福

說士人思長者風自媿清言非衛玠難將雅化狀文翁
欲知美政調寬猛盡在蒼生涕淚中

御河行有序

成都貢院爲明蜀藩邸故址崇墉四周中有數
巨石雕文龍蟠舊物也外爲御河今猶沿其名
荒蕪不治且涸矣春晚過此感歎成篇

春水二分江入城御河堤上無水聲寒沙碎礫五百丈
瘦馬蹀躞烟草平當時水繞宮牆碧花邊玉簫柳邊笛
祇今樹色何萋迷鶯巢換與鷓鴣啼千秋萬歲一朝暮
漢苑唐宮古無數點點青山總不情埋盡癡魂伴狐兔
瑤池仙人秋鬢白白雲瀉盡銀潢窄瓊花爛煮不得喫
不如河樓酒一滴

上已同人集禊帖作詩余亦繼和

錄錄今猶昔殊非爲樂時盛年不可又世事已如斯春
向人間老文從悟後知山林致清靜感遇豈生悲

風有一絲足當之殊快然無山寄游跡聽水悟流年曲

花宜館詩鈔卷一

室臨虛竹春陰帶暮天幽懷託清詠未合列諸賢

雨後見月

騎額已愁雨照泥還有星疎螢上衣白涼月抱烟青水
寺催鐘杵風爐罷茗瓶夢中鄉路遠多少畫烏亭

夜坐

明河耿耿螢火入林微燈影白於月雨聲涼在衣詩
成寫苔紙客至欸荆扉未免瞋奴嬾行沽尚未歸

薛濤酒汲薛濤井以釀味極清冽

圓川仰流淨無垢苔繡銀牀色深黝城中汲取釀老春
甯保朝朝具綆缶薛濤昔住浣花溪草長鴛鴦拂文牖

故劍

一擲風雲恨殘銘認太阿只應埋澗壑漫憶斫蛟鼉恩
怨前生盡英雄老淚多終憐奇氣在玉具重摩挲

蠹簡

花宜館詩鈔卷一

竹素原千古其如老蠹何神仙言盡妄文字禍偏多下
士爭殘闕名山費網羅翻憐無字句妙悟自維摩

昭化縣

漢水分流界兩川馬鳴閣外暮霞懸侯封地失葭萌舊
古渡名猶枯柏傳新柳綠分村路細亂山青束縣城圓
八行欲寄成都去江上開帆有估船

龍門閣

怒龍拔地起雙嶺屏對展東西石橫跨薛印馬迹淺下
有給衍洞斧鑿鬼工遺仙扉幾扇闌水簾萬珠卷靈境
敞序豁凡骨許誰踐我來迫高春欲往志先輟捫天踏

龍背腳底怒霆轉窹步愁顛隋屏息萬慮窮

甯羌州

驛柳不成行交烏弄吭夜來氏道客夢落碧雞坊強
弩家家有山田歲歲荒洗兵知未久漫怨小紅狼

沔縣道中

纖路松篁裏鳴禽沙水間天然眉黛好只有女郎山

寬川鋪

山盡見平沙炊烟聚幾家空槽嘶病馬獨樹下羣鴉客
倦寒宜酒村晴暮有霞野桃誰與賞隨意自開花

七盤嶺

花宜館詩鈔

卷一

六

羣山鬬獅豹骨突氣象猛鈍鑿元氣中匠巧天所逞簪
深鳥無語袖擁白雲冷左旋右復折七曲屹巨嶺嶺顛
拓遐眺紫翠蕩晴影廣袤千里餘了了俯窺井獨苦履
斷蹻踏鐵馬蹻蹻三復乘危言自斬忠信秉

雞頭關

膈膈膊膊雞亂鳴雞頭關上行人行關頭巉巉多怪石
以物取象關得名石小如棋大如斗旋轉風中逐人走
古柯踞地僵不花毒霧中人烈于酒馬行契需馬膽怯
不肯橫馳常俯首僕夫怒馬又惜馬鞭影搖搖迫其後
少年任氣遠行役道路酸辛十知九閉門持火燒車輪

此福人間問誰有義鞭扶日疾似梭達人知命焉知他
願君夜半莫起舞聽我雞頭關上歌

觀音碕

陰后補天竅天漏石亂墜棧閣此中斷惟有飛鳥至賈
侯用火攻鎗險出尺地至今厓厂上不得過兩騎攀援
清緩急霜藤曳深翠石紋圻縱橫波磔具逸致以指試
畫肚如讀古皇字奇招仙靈賞險拒俗駕厠青山肯我
留願矢縛茅志

馬鞍嶺

言陟馬鞍嶺登頓二十四俗諺云然元雲莽蕩蕩晴晦眾壑

花宜館詩鈔

卷一

七

異修磴石作梯不踐寸土地居民麋鹿狎過客虎狼伺
悲聲起高蘿山鬼白日戲雨從武關來一夜洗寒翠脩
然動仙心高鶴天外至

留壩

逐隊驟綱遠揮鞭夕未聞人經野羊水路入畫眉關嶺
騎原頭火歸鴻雨外山今宵鳳州酒好爲破愁顏

柴關嶺

羣峰合如環白雲塞其空我來登陟頻馬足夕陽送上
有千章木朝暉鬱陰霽山深樵斧赦顛倒枝葉縱怒號
眾嶺并擎攫萬狀貢燭龍拒不入終古墮昏夢南望紫

柏山七十二巖洞聞有仙靈游青虬玉童控

鳳縣

昔讀岐南志常思古鳳州今來衝暮雨荒落使人愁轉
戰兵方罷瘡痍淚未收東風萬條柳還似舊時不

銅雀臺

不見銅雀臺但見漳河瀉春草綠如油無人覓殘瓦

與孔夢鵬編修

傳倫

移居上斜街

袍花映日佩鳴玉九衢未曉車相逐君是長身幾世孫
局腳牀中貪睡足城西苦愛人跡少招我同居寺傍屋
長椿寺側樹頭鳴鳥自來往樹下雙扉無剝啄滿窗紅日夢

花宜館詩鈔

卷一

八

初醒石銚松風一甌熟翰林風月本神仙君是散仙尤
絕俗君未入清秘堂及兩書房故云君看百歲如風狂未養丹砂一火
伏妄心似膜要消除華髮如絲易摧剝果然曼倩耐長
飢不須苦草三千牘

贈魯孝廉芸峰

邦華

青衫餘涕淚猶上孝廉船作客貧耽酒論詩老入禪塵
埃誰相馬風雨又聞鵲賴有雙鬢唱才名早與傳

簡朱三石友

葉雲

寥落向誰語懷中冷玉琴把杯孤館淚伏檻暮年心黃
鶴故林遠白鷗春水深何爲萬人海擁鼻但酸吟

喜瞿綬伯敬邦自蜀入都

相逢不是夢一笑卽銜杯游跡燈前數詩心劍外來瓊
瑤重投贈桃李笑與臺之子姬姜美華年耻自媒

送嘯雲弟

爲楫

報罷還蜀

一騎長征日三河苦戰時客過魑魅喜書到死生知劍
棧天邊路春塘夢裏詩聯牀來聽雨何日共銜卮

贈徐鴻治

業鈞

卽送還蜀

擾擾長安市關門白日眠愁惟向天問狂不受人憐投
轄耽豪飲題襟擅妙篇近來能脫略我亦惜華年
一第何輕重翩然去

花宜館詩鈔

卷一

九

帝鄉干戈衝汲郡風雪到華陽寒夢蜀絃澀離心燕草
長薛家牋樣好書札莫相忘

有感

甘泉宮外捷書陳功狀傳聞半失真笳鼓中朝歸大將
畫圖終古哭流民招魂夜月黃河岸埋血空山碧草春
始信火攻真下策不知閩外付何人

在平道中

野芳擢荒蕨花氣悅鳥性縱殊桃李姿破籬寫幽葩上
有樛木枝夕響挾風勁落葉日以多蠹綠尙相映流烟
去不息山光暮逾淨冥濛上沙月昏如未磨鏡

韓莊

酒旆出深樹乍聞人語喧東西八九家烟火自成村瓜
蔓一何長青青繚牆垣黃雞樹極嘯老特臥當門亦有
井與竈亦有瓶與盆懷葛孰云遠農桑固所敦勞勞獨
行役百憂向誰論

舟次有懷陶槎仙際堯京師

蒼蒼平楚外雙槳動吳音鳥語下寒色江流清客心風
霜鄉信近燈火市門深之子歸來未京華恐滯淫

寶應道中

點綴芭籬曉子黃松毛壓屋小槽香不知何處龍竿寺

花宜館詩鈔卷一

十

疎雨涼蟬過射陽

邵伯埭

一櫂過棠堰黃蘆欲著花不聞人語響數點落寒鴉

金山

浮玉峰頭生暮烟妙高臺下水連天開堂誰領三千指

放棹重來十四年辛酉會登此山塔影半空飛鳥外江聲萬里

佛鐙前東坡誓苦歸何日莫負雲山舊衲緣

丹陽道中

寂寞雲陽地蒼茫過客舟峭帆飛迅鳥殘月下奔牛孤
槩天涯夢清霜木末秋莫教江北望落葉使人愁

至江陰借寓陳氏宅

吾遊真倦矣不復掛帆行江郭新過雨秋潮暗入城洗
塵空買醉撫軫默含情倚幌憐孤影翻嫌月太明

追憶

記得銅荷照影雙鳧花爲我撥深缸祇今獨醉捲寒枕
落葉如人夜打窗

矮箋愁寫並棲禽生手重調未典琴織素織縑原一樣
可憐我已負初心

料量行色到宵深多少青雲屬望心我幸成名君早世
幾回垂淚寄泥金

花宜館詩鈔卷一

十一

昨夜烟花夢錦官幾年孤負月團圓柔魂那識江南路
破寺秋深暮雨寒時姚孺人尚居成都化城寺

曉起

海風吹城水凍沙初日到簾人影斜山禽踏雪語清曉
雙雙飛上黃梅花

題霓裳羽衣圖

婆羅門曲妙新裁道是西涼進奉來擊擲彈吹商調好
舊名莫誤紫雲迴

散序開頭拍序終錦袍飄雪舞春風誰翻幃綽河中譜
記有同州舊樂工

聽風聽水曲全忘不見齊州任六郎梵字橫書誰辨得
逍遙樓外又斜陽

梨園爭唱荔支香粉骨春風恨渺茫金屑琵琶誰絕妙
周家殘譜說南唐

開元法曲世間無十二遍中聲貫珠誰識霓裳第三疊
祇今按樂有新圖

青陽

一里三兩曲一曲三兩峰峰低竹木密覆以青茸茸沿
緣三十里轉權何春容初時山氣黑忽又斜陽逢樵人
答雲唱漁侶尋烟蹤郎寒犬聲寂浪劃魚身衝人家夾

花宜館詩鈔

卷一

三

明鏡綠瀉春波濃吾行已忘遠泛泛晴鷗從

姑蘇雨泊

閃閃篷窗燭燄青酒錢蕭索臥雙瓶單衾潑水春無夢
惆悵簫聲隔雨聽

吳興道中作

桃華一枝紅宛宛黃雞將雛滿田坂古祠倚樹屋架偏
野塘無人水流遠千絲出岸漁網舉一簫入邨餉擔返
坐覺微波卷好風更見輕雲媚遙巘我時展墓返江鄉
卻買扁舟盪春晚彈碣石膩篙忽滑仄港橋多帆數偃
蕭然巾拂似游仙回首風塵愁跨蹇長筵拘索縛朝衫

官道喧呶避珠噀似聞期限相促迫那得江湖長繾綣
欲將長句訂鷗盟新月如睂生嫩堰

泊烏鎮

一溪燕子攪春愁青竹簾開水面樓客纜初停月初上
藤花風細落船頭

抵杭州作

阿兄喜我歸走拋手中書諸弟喜我歸攝衣堂中趨阿
嫂喜我歸治具入中厨飯以長腰米佐以春韭菹酒行
語更多問答不欲疎謂我鄉音改謂我昔顏殊獎我成
科名情摯詞非諛慰我道路苦勸我傾春壺兒童亦笑

花宜館詩鈔

卷一

三

躍紛來牽衣裾此時燭花熾耳熱心踟躕安能百歲間
不見舟與車

湖上口號

六度南巡奉

翠華當時春滿六橋花閒行昨過黃船廠水鳥銜魚上

槳牙

黃船廠皆龍舟鳳船也今損壞已十之七八

誰將面目借花神世事從來質混真而今廟圯花無主

贛有裙腰草色新

李公衛壘已像爲花神乾隆間始改壘今廟已荒廢

供御曾傳宋嫂魚湖樓魚味近何如不須更種陶家柳

世上都誇五柳居

五柳居本陶氏故業以醋烹魚得名今已數易主矣

飛度琉璃百折天中流誰許布帆懸去來總借湖風力

只有山僧盞飯船

湖州無帆惟淨慈寺齋飯船有之

吳越王祠傍水涯移來殘碣薛紋斜

表忠觀碑近錢梅溪詠自府學移至湖上勝賞

年年但賞連蜚桂誰唱當時陌上花

祠中老桂為湖上勝賞

蜻蜓一葉酒千鴟還憶風流老輩時寒食清明都過了

更無人唱柳枝詞

王述庵先生主講杭州作西湖柳枝詞一時和者數百家

香市山山二月開攜兒挈嬾步徘徊鳴鉦松木場邊路

爭看如椽蠟燭來

鄉民進香有以數人舁一燭者

船頭船尾盡筠籃

各郡縣人進香者歸時競買湖上竹籃謂之燒香籃

月二三贏得靈籤多吉語今年宜稻又宜蠶

花宜館詩鈔

卷一

南

官來打量湖上工葑田計畝筭南東布旗水面書濃墨

十段分開一棹通

時有濬湖之役分十段立旗水中以為標識

午日龍舟颺繡旗五千畫鼓水嬉時要看踏浪誇身手

爭把紅裙裹鴨兒

湖中五日龍舟頗盛有以瓶酒及鴨投水中舟人泅水爭取之

漫論天竺白雲芽漫道香林味足誇且試白公新井水

一甌微綠本山茶

湖上人家所采茶皆稱本山

免棧茶香不計錢何須西太乙宮前虎跑路遠龍泓僻

約客惟尋六一泉

近日六一泉茶肆極盛

茶寮酒所遍勾留水色粘天綠似油十載紅闌春事好

午船齊泊看經樓

即望湖樓新葺不及十年為晉游最盛處

小有天園東綠酣更無扁鐺恣游探牡丹花小桃花瘦

不似當時舊壑庵

乾隆間曾奉宸游今已荒廢

西湖竹枝詞

二月三月湖水香采蓴采蓴雙槳忙郎心蓴葉一般滑

妾意蓴絲一樣長

月子彎彎夜未央雙飛雙宿羨鴛鴦郎情莫似長橋樣

道是長時卻不長

湖上長橋甚短

幾時買得木蘭舟脆管零絲坐兩頭上湖酒香勸郎飲

下湖花好載郎游

新歌送別思徘徊更向花前勸玉杯靈鷲飛來不飛去

花宜館詩鈔

卷一

五

不知郎去幾時來

紀游二首

柳洲春老柳飛棉三月東風太放顛攪得一湖無綠處

不知是雪是春烟

花陰深處見疎星烟抱涼蟾出遠汀夜半酒醒看不足

移船更泊望湖亭

慧日峰下作

舊為小有天園今廢

石路斗上不肯平游人腳底春鳥鳴長松大石相倚立

細嵐翠霧排空行山前舊時起別業剔數雕岩諸郡甲

天子曾經翠罕留大官也喜閒鷗狎勝日無時無客來

濃春無地無花插我生聞已不如前況我重來十五年
行避境廊防墮瓦炊殘曲木并無緣人生只合逢場醉
若問人間總如寄東海時時見種桑安論千年萬年事
沈吟卻立竟忘歸一杵春鐘下山翠

族叔 銘孫 孝廉招游湖上作歌

寺傍寺湖外湖嬌鳥踏花名自呼雨聲一夜洗楊柳笑
撲楊花雪滿手船頭擊鮮船尾炊蜂戀酒香旋轉飛搖
我白團扇勸君朱提瓶淵珍藪寶易銷散醉眼但見山
長青山長青酒長滿湖水香湖草短今日游固佳明日
游莫緩悲哉勞勞義與娥花開雖紅落則那北山之曲

花宜館詩鈔

卷一

七

南山阿麒麟高冢碑戕戕世間富貴易取耳綠鬢有霜
君奈何

固陵懷古

越王西去此經過情鼻樑頭感慨多見說三觴方進酒
已憑一介罷揮戈古來易墮藏弓淚日暮猶聞采葛歌
獨有鴟夷歸計好五湖春水照修蛾

蕭山道中

昔人棲遯處山色總蕭然嘯鳥前邨樹清江獨客船坐
忘川路永靜覺梵鐘圓衆靄蒼蒼外漁燈幾箇懸

端午甬江道中待潮

蔽江健艣送潮下有似千百鳥鴉鳴我舟逆潮不能進
柳樁一尺孤纜橫柴扉三五倚江水邨人列坐沙草平
不設禮法但轟飲老瓦疾注邨醪清卻憶錢唐好風景
綠者園筍紅山櫻雄黃飽蘸畫兒額老趙圖像丹砂赭
西湖水嬉更華麗龍舟畫鼓紛紛敲鏗家人留我度佳節
掉頭已向江東行豈知行路亦大好千髻萬髻山無名
晚天一笑桺樓飯石首爛賤船嬾烹高歌無腔短童和
冠巾森爽南風生須臾潮平舟便發雙鷗拍拍江波明

姚文秋坪

令俞

太守席上作

花宜館詩鈔

卷一

七

燭遮銀押初筵進玉壺六年離合感舊事話成都

秀州訪吳夢塘師

玉輝

不值

南風吹麥隴五月射襄城潮落沙痕遠雲流塔影輕到
門芳草合繞樹曉禽鳴遙想鹽官道題詩海氣晴

張遠春丈

典鏞

招飲塔射園

結屋枕江水客來船到門松聲招野鶴塔影傍清樽官
稱詩情冷鄉傳世閱尊空懷濟時略鬱鬱向誰論

題程喬堂

銘

畫梅

梅花妙入喜神譜琴甲貝螺何太工他日圖成一百品
草堂無處不春風

孟蘭盆歌

厲壇治幽禮所遺元都大獻供冥施七聖旛節唐禮儀
麴山酪海儒所訾至今委巷沿習之攔街僧座披三衣
是時月黑星芒稀三十六鐙搖光微金鈴郎當聲慘悽
瞑目戟指儼攝持大鬼膨亨舞傲傲短鬼跳躍從以嬉
五窮柳車去復歸女蘿爲帶薜荔衣亦有穀魄雄恣睢
獨乘赤豹從文狸長身九約角巖巖敦脍血拇行駸駸
紛來攫食張兩頤旁脯荷饌夥且茲酒醪擇甘肉擇肥
天雞高唱搏桑枝荒燐點碧隨烟飛我思此事重有悲
哀鴻整整鞠凶罹破竈十日九不炊酒肉臭爛朱門誰

花宜館詩鈔

卷一

太

方今賢吏羅九畿如何鬼飽生人饑

蘭

香光闥重幙秋意雪在枝瀟湘望不見清怨流琴絲英
英月氣白團團露華滋殘尊讀離騷一洗萬古詩中宵
夢空谷蕭落無人知

韓園看花

昔有王司寇詩成勝境傳

漁洋山人有游韓園詩

東風幾開落我

輩復流連候火松壚畔題雲石屋前催歸禽語急花外

暝生烟

君山

俯瞰長江濁浪奔仰攀飛觀躡雲根山分雨色歸諸寺
潮挾秋聲下海門近岸船多魚市大新梅花盡鶴巢存
女環一曲無窮恨事去千年莫更論

山以春申君得名

讀王丈古遺

以銘遺詩

斯人不干古何以重知音作意剔秋骨有光寒鬼心宦
成悲憤在醉死姓名沈回首看餘子天公妒未深

至當塗縣與大兄曼雲夜飲

高帆帶雨收江郭暮停舟古月仍牛渚春寒尙鹿裘新
年燈送喜貧宦酒銷愁六載輕離別人間易白頭

學使白小山丈招飲看燈

花宜館詩鈔

卷一

尤

重向龍門拜李膺當年相賞媿王承禮尊前輩初投刺
官喜清時不禁鐙密座傳花催席糾斜窗分月上衣棧
暖風已促乘輅去文學方勞漢殿徵

程方舟

漁

浣雲兄招游牛渚飲太白樓作

酒人生死如蜉蝣人間突兀兩酒樓任城酒樓足未到
卻向采石來維舟錦袍仙人控玉蚪一去不返江空流
坐收萬里入雙眼江水不洗胸中愁樓頭蕭郎嘗畫壁
紫翠模糊遺蹟覓想當四堵下筆時山騰川奔霆怒激
前輩丹青擅場早可憐姓字今寂寂晚雲蓬蓬半江紫
樓上行觴四座起銀鑿落金巨羅客且飲吾當歌吾聞

戰場山下多鬼雄夜哭悲秋蘿功名青史數行字不幸
埋沒知誰何破除萬事養吾懶惟有痛飲而高哦主人
大笑衆客和老鸛驚起逃其窠東風夜撼魚龍醒罷酒
歸來月滿艇青山回首隔江城太白星芒動虛迴

陳鐵橋同年 憲曾 招飲瞻園

前朝傳甲第園爲徐中山故第公子惜名園鶴導尋梅屐笙催
欸月樽簾波銀押動香篆玉爐溫未忘京華事青袍舊
酒痕

客裏

殘書幾卷靜中緣客裏情懷總惘然酒醒花前難一笑

花宜館詩鈔 卷一

三

雁聞江上已三年于湖亭榭寒多雨蜀道雲巒遠似天
家大人在蜀何術同消離別恨歸耕及早買烏犍

寓保安寺習 國書戲呈余梧岡鳳嘴程蕉雲 川

佑 劉竹笑 禮奎 程憩棠 耕采 傅秋屏 繩勛 靳雲

屏 會昌 諸同年

拋卻平生讀過書古人分課就僧廬聲諧金史元文外

清語與金史國語解合者十之六七而益詳備元製
家古字今釋編載百家姓蒙古古文石墨鐫華載元聖旨
碑客聚晨鐘午磬餘插架近知新語富康熙間纂清文
鑑乾隆間續入

新定 國語 簞鐙誰共夜窗虛諸君晨集暮歸
惟余留宿寺內漫將揚
馬誇詞賦纔似蝸髻入塾初

烏鵲謠

烏鵲鳴啾啾摧爾翼禿爾頭仙梁迢遙隔秋水年年別
淚明河流明河流入羅幃當戶織流黃機鵲繞樹鳴且
飛能載牛與女不能載郎千里歸爾鵲爾鵲亦可憐不
如衡陽雁猶能致書達郎前

題高已生同年 錫蕃 白雲親舍圖送其南歸

高生生西吳武庫森五兵吐舌唾四海座客無不驚平
生善色養踰伏甘柴荆忽然發西笑挾策游

帝京抵掌公卿間嶽嶽起盛名佩魚與腰龜芥拾誰與
爭顧念定省缺愁聽春鵲鳴幡然決歸計犯雪羊裘輕

花宜館詩鈔 卷一

三

君來白雲送君去白雲迎上堂拜白髮笑顏發春榮請
酌下箸酒請進長命觥思柔譜該華何如束長生吾親
羈華陽蹤跡不合并巴船夢入峽萬樹青猿聲起視天
際雲片片皆西行省君圖中意使我百念縈但得半菽
奉此樂踰華纓養親逮親存勛哉君歸耕

以武殿試收掌官雪後直宿殿廡

學劍當時悔未成掄英鉅典廁書生天邊鐘漏入初靜
雪後樓臺夜更明可有萬言陳要策不嫌五夜守孤檠
紫宸喚仗期應近聽唱句臚第一聲

題孫秋士 憲儀 卜兆圖

白骨無坏土傷心四十春披圖吾欲涕似爾奈何貧赤
電經空秘青山夢未真自題有省來空有夢足商萬山中之句交游一舟

麥高義屬何人

一炬空環堵巢焚事可嗟石老屋已燬於火知君悲未葬不敢

哭無家霜露心常感關河鬢易華佳城如示兆幾日秣
歸車

同人小集尺五莊

冷吟閒醉傲笙歌一覩韶華莫放過事忌遷延晴日少
春無拘管野花多城南韋杜天真近社後風烟氣已和
更請俸緡商近局豐臺紅藥錦成窩

花宜館詩鈔卷一

圭

輓邵餐霞孝廉謹

燕市年年逐酒徒哀彈自恨玉絃孤別開詩境黃山谷
未了歸心碧浪湖身後千秋吾黨惜眼中百輩此才無
天涯早抱焦桐感腸斷風前一葉枯君以立秋日死

同人屬勘餐霞遺稿漏盡偶成

幾家海內屹長城拔戟眞誇一隊成十上慣看人得第
千篇空爲鬼爭名藏山有待將來事剪燭纔消欲斷更
坐聽調刁吹萬籟世間多半不平鳴

花宜館詩鈔卷之一終

花宜館詩鈔卷之二

錢塘吳振棫宜甫

古今體詩一百二首已卯至壬午作

歲已卯恭逢

皇上六旬萬壽元旦朝賀禮畢

錫宴羣臣恭紀四十韻

歲瑄開元日神庭

受筴年朝正肅

宸極祝

報徧垓垓九達塵初動三嚴候不愆祥暉催曙早和氣

花宜館詩鈔卷二

十

扇春妍稷雪融珠闕蕭雲麗玉樓於旂螭陸列殿陛下儀仗鐘鼓鳳樓傳鳴鐘鼓上誅蕩千門闢葳蕤五輅駢星

移宮燭影風颺駕至則燈光見而爐香起連步何紛若齋心尙慎旃

御爐煙光見而爐香起連步何紛若齋心尙慎旃

當陽瞻負展警衆聽鳴鞭柱史扞彈切御史糾儀句臚贊導

先鳴贊官贊導分庭班對峙序位石斜連按品級石以次序立朝罷仍

聯袂歸遲且撤轡正衙看放仗

中旨促陳筵日耀鸞彝古霞舒帟幙鮮丹陛上張幄次陳禮器重

看春殿啟已見

帝車旋陞盾森環衛宮絃統羽縣謨韶聲協比翺儼影